

**Хуршид**

# **ОЙБОНУ\***

(ХОНЛАР ЗУЛМИГА ҚАРШИ ТОШКЕНТ ХАЛҚИННИГ ИСЕҢ  
ВА ҚҰЗҒОЛОНИ ТАСВИРЛАНГАН)

5 ПАРДА 6 КҮРИНИШЛИ МУЗИКАЛИ ДРАМА

---

\* Аслида Ойниса от қүйилған бўлса ҳам бирор Ойбону деган, бирор Ойвони деб бузиб айтган. Сарой доираларида ҳақорат тарзидаги «Айвона» деб аталган. Ёмон лақаб яхши исмни йўқотиб юбориши воқеий бирор ҳолатдир.

## ҚАТНАШУВЧИЛАР

**Ойбону** — Халқ учун ғамхўрлик қилиб юрган ўрта ёшли, пахлавон хотин.

**Диёр** — Белкаш.

**Искандар** — Деворзан.

**Курбон** — Ойбонунинг ўғли.

**Мастон** — Ойбонунинг қизи.

**Холдор** — Ойбонунинг кўлида тарбияланган чиройли йигит, кўзи кўр.

**Мингбоши** — Қўргон ҳашарига саройдан тайинланган.

**Азизбек** — Парвоначи, амали билан келиб хонлик эълон қилган, фаштлик лўли.

**Солих Судур** — Ҳам хонни, ҳам халқни алдаб юрган мунофиқ мулла.

**Нодирбек** — Азизбекдан яширин халқ фойдасини кузатиб юрган бир муфти.

**Дониёр** — Ўғил-қизларни ўғирловчи сарой исковичи.

**Ислом** — Чиёнхонани бошқариб турувчи.

**Хожи она, Ҳожар хола** — Ойбонунинг ҳамдамларидан

**Нозимбек** — Лашкар бошлиғи.

**Одил понсад** — Йигит бошлиғи.

Ясовуллар, жаллодлар, йигитлар, аълам, муфтилар, ӯдайчи қизлар, хотинлар, ўғил болалар, кишилар, олонмон.

Воқеа: 1843 йилдан 1846 йилгача Тошкентда ўтади.

Мутобиқ 1262—1265 ҳижрий.

<sup>1</sup> Тарихи жадид Туркистон, Тарихи Ҳамса, Туркистон тарихи, Тарихи Туркистон ҳам Қўргон ҳашаридаги лой ташиб қатнашган Мўминжон Сўфидан олинган жонли маълумотларга асосан ёзилди.

## БИРИНЧИ ПАРДА

Тошкент Тахтапул мавзууда күргөн девори тагида бир майдон.  
Күргөннинг катта бир раҳнаси ишланыётир. Камбағал халқа күргөн  
ҳашари эълон қилингандар. Кечаси шу ерда ётиб қолғанлар ҳам бор.  
Эрталаб тонг қоронғуси. Ташқаридан келувчилар бор. Музика бош-  
ланади, парда очилади.

### Х о р

Тонг яқинлашмокдадир, кошки эди тонг отмаса,  
Зулму ваҳшат итларини уйқудан уйғотмаса.  
Гарчи халқ олғай қуёшдан баҳра, лекин розимиз  
Чиқмаса, ёлғон илонлар бошини қўзғотмаса.  
Хону беклар бизни қийнаб, ишрати топгай камол,  
Айши тўлмас ошимизга ҳар дам оғу қотмаса.  
Ит тинар, қушлар тинар, лекин тиним йўқ бизга ҳеч,  
Бўлмагай Баҳром каби зулм аҳли ерга ботмаса.

### Д и ё р

Оҳ қачон маҳв ўлур шу ранжу малол,  
Камбағалга тириклик ўлди маҳол,  
На кеча уйқуда ҳаловат бор,  
Кундузи на тиним, на роҳат бор?!

На учун биз ҳамиша хору забун,  
Холбуки биз эмас эдик тутқин.

И скан дар

Тонма айбингга элни йүқсулисан,  
Хонни гүёки зархарид қулисан.

Б и р киши

Бизга қүрғон ҳашар қилиб эълон,  
Қанча одамни қилдилар қурбон.  
Қанча дўстлар босилди девор аро,  
Ҳаддимиз йўқ демакка чуну чаро.

Б и р киши

Косиб элга солиб чаён солиғи,  
Солди дехқонлар узра дон солиғи,  
Энди ифтор пули тўлаймиз эмиш.

Б и р киши

Оч бўриларга айламакчи емиш.

И скан дар

Жон бошига йигирма танга кумиш,  
Жон пули деб солиғ тушар эмиш.  
Букун эрта бўлар экан эълон,  
Шўри қурган косиб билан дехқон.

Б и р киши

Йўқсул зл энди кимга бош уради?

И скан дар

Чорасиз кўр бўлиб тўлай беради.

## Бир киши

Мардикор бор унга қарам ўн жон,  
Хар кун ўн пул топишлик унга гумон.  
Қайдан у — шүнча пул топиб түлайди,  
Ушбу ташвишда шубҳасиз ўлади.

## Искандар

Камбағаллар қирилса хонга не ғам,  
У күпакларни бўлмагай мўйи ҳам.  
Қиз чўри ҳам ўғулни қул қил, сот,  
Солигингни тўла, кейин тинч ёт.  
Хонни ҳукми эмиш отилган ўқ,  
Лому мим дерга кимсада ҳад йўқ.  
Солиг ўрнига берганинг чўри қул,  
Хонга ҳадя ҳисобида ўтар ул.  
Боқимонда бўлуб солиг турадир,  
Орта боргай, сени худо урадир.

## Диёр

Худоёрхонга ёзсак арз ила дод,  
Айламасми экан у бир имдод?

## Искандар

Эй Диёр, қўй шу ёш бола сўзини,  
Худоёр аввал эпласин ўзини.  
Мусулмонқулга бир ўюнчиқдир,  
Аввало у — ўлимга лойиқдир.  
Худоёр эси паст, дили кир ит,  
Бу Азиз бачча иккови бир ит.

## Музика Хор

Жафогар хонлар истибоди ортиқ бўлди тоқатдан,  
Иборатдир тириклиқ бизга афсусу надоматдан.

Томирда қолмади қон ҳеч, сарой аждарлари сүрди,  
Улар күнгли очилғай камбағалга жабру кулфатдан.  
Илонларга биз этдік марҳамат, ҳозир бўлиб аждар  
Сочиб ўт, элни ўртаб, завқ олурлар қатлу ғоратдан.  
Туганди сабру бўлди иззату номусимиз барбод,  
Қачон келгай замон бизга қутулмоққа бу ҳолатдан?

### Қурбон

Дўстларим келди зулм сўнг нафаси,  
Парча-парча бўлур жафо қафаси.  
Жуда кўп биз эзилганлар,  
Хондан ўч олғали тизилганлар.

### Бир киши

Тўпланиб биз нима қила оламиз?  
Ҳамма куч хон қўлида, биз ожиз.

### Қурбон

Нима ҳам бўлса ноумид шайтон,  
Ноумид бўлса хор ўлур инсон.  
Чумоли бирлашиб йикар филни,  
Ғайрат этгувчи қирқ ёрап қилни.  
Бизга шаҳар аҳли бари ёрдамчи,  
Хон биза қарши дарёдан томчи,  
Тугатайлик на бўлса қўрғон ишин,  
Сўнгра бир ёқлиқ этгумиз хон ишин.  
Ёвдан ўз юртини ҳимоя қилиш  
Барчага фарзу қарз зарурий бир иш.

### Искандар

Тўғри, ҳақ сўзни сўзлади Қурбон.

### Бир киши

Нега хон айлади ҳашар эълон?

## Қурбон

Керак эрмасми унга иззату шон  
Күрдиким халқа ортар обрў шараф?  
Суюқланиб бурди нахс юзин бу тараф,  
Күрсатиб ўзни юрту халқпарвар,  
Макр ила бизга эълон этди ҳашар.  
Кучи етканча айласин тадбир,  
Макри бирла қўшиб кўмармиз ахир.

## Бир киши

Қийналур оч-ялонғоч аҳлу аёл,  
Туну кун бизга бунда ранжу малол.

## Музика

## Қурбон

Жаҳонда хону беклар жабр ила даврон сурар токай?  
Қадаҳга тўлдириб эл қонини ишрат қуарар токай?  
Келиб мавсумда боғ ичра макон эткан қузғун,  
Заҳарли ел эсар гулшан аро қузғун юрар токай?  
Жағогарлар буқун умри баҳорин ўтказар қувноқ,  
Хазон чоғин фалак фасли баҳор узра бурав токай?  
Умидсизланма меҳру шафқат оламга эрур ҳоким,  
Жағо бунёди дунё узра мустаҳкам турар токай?  
(Мастон қумғонда чой, Холдор бир дастурхон нон  
кўтариб кирадилар)

## Холдор

Ассалом, ҳормангиз ота, акалар.

## Бир нечалар

Балли, бор бўл, илоҳи кўрма зарар.

## Х о л д о р

Тинчмисизлар?

## И с к а н д а р

Қаёқда тинчланамиз?

Туну күн дарду ғам билан ёнамиз.

## Х о л д о р

Энди оз қолди бўлғунгиз озод,  
Ранжу кулфатлар ўлғуси барбод.

## И с к а н д а р

Нима гап? Ёки сизга бўлди аён?  
Энди, сўзларди бу каби Қурбон.

## Х о л д о р

Элнинг оғзига тушса бир сўз агар,  
Шубҳасиз у бориб нишонга тегар.  
Гар шамол бўлмаса дараҳт боши ҳеч  
Қимир этмас дейдилар эртаю кеч.

## Д и ё р

Яхши, Айвонахон онамиз бор,  
Йўқ эса бизга дор эди тайёр.

## М а с т о н

Балки хон айшга бўлган овора,  
Тинчигендирлар бева бечора.

## Д и ё р

Бўлмагунча сарой эли бир гўр,  
Бизга бўлмас ҳаловат ила ҳузур.

(Ташқаридан мубошир овози эшитилади)

## Музика Искандар

Ҳой, эҳтиёт ўл, тилингни сақла,  
Эл-юртнинг ғазаби жони келди.  
Эл жонини қийноғон гуноҳсиз,  
Ўт панжали бир забони келди.  
Қонлар ила қамчисин сүфорган  
Қаҳр ила ғазабни кони келди.  
Қон ташнаси аждаҳо табиат  
Ҳон ўрдасининг илони келди.

### Қурбон

Дўстим сира хавф қилма, келсин  
Ваҳшайга ўлим замони келди.  
(Қурбоннинг сўнгги сўзи устига мубошир кириб келади.  
Мастон, Холдор бир тарафга чекинадилар).

### Мубошир

Нима сўзларни дерсан, эй боғи,  
Кимни айтар эдинг ўлим чоғи?

### Қурбон

Кимни айтканлигим ўзинг биласан,  
Беҳаёлик билан савол қиласан.

### Мубошир

Шошма, Айвона ўғли — сен қурбон,  
Жойлагайман сенинг терингга сомон.  
Бажарай хоннинг амрини аввал,  
Сўнг сенинг масалангни қилғум ҳал.  
(Лой келтирилди. Мастон, Холдор чиқиб кетадилар)

## М у б о ш и р

Мардикорлар қани түшинг ишга,  
Қараманғ фитна, хйла, миш-мишга.  
(Искандар бел билан лой кесади, Диёр девор уради,  
хамма турли ишда. Қурбон ўтирибди)

## М у б о ш и р

Сен-чи? Тез тур, бориб лойингни кетир,  
Онанг айтканми ишламасдан ўтири.  
Хоннинг амрин бажаргали қилиб ор,  
Қиладир қамчи зарби сенга хумор.

## Қ у р б о н

Бир оз овқатланай, кейин бораман,  
Ҳар нима топшириқ бўлур кўраман.  
Корчалон кўзларинг бўлибдир кўр,  
Хону беклар учун эмас-ку бу зўр.  
Юртни ёв зарбидан ҳимоя қилиш.  
Ҳаммага диний вазифа бу иш.

## М у б о ш и р

Юрт қачон исён ила сақланадир,  
Сени боғилиғингни ким тонодир.

## Қ у р б о н

Нега лозим шу ёввойилиқ итоб,  
Бир жаҳолат, бу хил заҳарли хитоб?  
Айтмасанг ҳам вазифани биламан,  
Буйруғинг ўйлашиб адo қиласман.

## М у б о ш и р

Бошни оғритди бу жавобу савол,  
Мана сенга вазифа, ҳақ, таниш, ол!  
(Қурбонни қамчи билан уради. Қурбон қамчини тортиб  
олади)

## Құрбон

Мени нечун урурсан, эй ифлос?

Ваҳшій золим!

(Мұбоширга ҳужум қилади. Бир-икки қамчи уради)

## Мұбошир

Тутинг буни!

(Ясовуллар Қурбонга ҳужум қилиб йиқитадилар)

Бос!

(Қурбон девор тәгіга келтирилди. Ҳамма ишдан түхтай-  
ди. ғовур-ғувур)

Бос!

(Бир-икки кишини қамчи билан уради. Favғо кучаяди)

## Музика

### Диёр

Хақсизлиғу зулмингдан бўлуб эл бари безор,

Қон йиғладилар энди, қўй, эй ваҳшій дилозор.

Лаънат унга ким қамчи бериб сен каби девга

Амр айлади инсон танидан қургали девор.

## Мұбошир

Сен мардикор одам санадинг бу чоқ ўзингни,

Бўлдингми вали неъматингга қарши гуноҳкор?

(Диёрга қамчи солади. Искандар, бошқалар иш  
ташлайдилар)

## Х о р

Торт қонли қўлинг, йўқсул, мазлум фуқародан,  
Эй ахраман, эй қон қўлида сузғучи мурдор!

## Д и ё р

Нега урдинг, мени чўлоқми дединг,  
Биз ўлиб сен тирик қоларми эдинг?

(Кўлидаги бел билан мубоширни урди. Мубошир  
ийқилди)

## Я с о в у л л а р

Ҳой ҳароми, қўлингни сақла гадо!  
(Диёрга ҳужум қиласилар. Искандар, бошқалар Диёрни  
мудофаа қиласилар)

## Б и р н е ч а л а р

Кетинг итлар, бас энди шунча жафо!

(Фавғо кучайиб турган пайтда Ойбону билан бирга  
Ҳожи она ва Ҳожар хола келадилар)

## О й б о н у

Нима гап?

## М у б о ш и р

Ўғлинг бепадар Қурбон,  
Ҳам Ҳожар ўғли бу Диёр ҳайвон,  
Иккиси фитна қўзгади бу замон,  
Ҳонга қарши кўтардилар исён.  
Эркалаб қанча айласам эҳсон,  
Бу ҳўқизларга ёқмадим.

## Искандар

Елғон!

Қилди Қурбон билан Диёрға ғазаб  
Уни деворга босмоқ бўлди.

## Ойбону

Сабаб?

## Искандар

Бир оз овқатланай деди Қурбон,  
Деди: Бу мәрдикор эмас инсон,  
Учраса йўлда ер ўт ила ҳашак  
Камбағал халқ әмиш ҳўкиз ва эшак.  
Савади қамчи бирла Қурбонни,  
Шунчалик қийнамайди ҳайвонни.  
Дўсти Қурбонга раҳм қилди Диёр,  
Ўзи қаҳру ғазабга бўлди дучор.

## Ойбону

Мингбоши! Тўғрими гувоҳ, исбот?

## Мубошир

Бўлмагай мәрдикорда зарра уят,  
Нони жанжал эрур, оши иғво,  
Очидан ўлгай этмаса ғавғо.  
Сени шогирдларинг шу фитначиilar  
Хоннинг эрмас, сен айтқанингни қилар.

## Ҳожи она

Мингбоши, бўлма мунча тарбиясиз  
Бас, етар, халқни шунча қийнадингиз!

## Мубошир

Фитна қўзғошда битта сен кам эдинг,  
Зурриёт кўрмадинг, эсингни единг.  
Сенда йўқ на ўғил, на қиз авлод,  
Нима ҳожат сенга шу фитна фасод?!

## Ҳожи она

Биз ўғил-қиз учун емаймиз ғам,  
Кутамиз мазлум эл учун ёрдам.  
Биз учундир шу ҳалқ тобуткаш,  
Қиз-ўғил айлар ўз димоғини хуш.  
Ҳалқу тарих унутмагай бизни,  
Қаҳру лаънатла ёд этар сизни.

## Ойбону

Тўғри.

## Мубошир

Бўлди, қўшилма, сен мочагар,

## Ҳожи она

Мингбоши, тилни сақла, энди етар,

## Мубошир

Шаллақилиққа сен-да берма ривож,  
Хон сўзин ишламастга борми иложӣ  
Бунинг ўғлига қўл урулгани йўқ,  
У — қочиб кетди, келтирилгани йўқ.

## Ойбону

Ёлғиз ўғлим эмас менга мақсад,  
Кўрсатишдир шу мазлум элга мадад.

Минг ўғил бўлса ҳалқ учун кечамиз,  
Зулм занжирини үзиб ечамиз.

### М у б о ш и р

Исён этмак экан сенинг тилагинг,  
Эҳтиёт бўл, синар белинг, билагинг.  
Кўрсатай осига на бўлса сазо,  
(Камчи кўтариб урмоқчи бўлди. Ойбону уни кўтариб  
ерга уради)

Кутқаринг!

(Ясовуллар Ойбонуга ҳужум қиладилар)

### О й б о н у

Азаматлар, беринг буларга жазо!

(Ишчилар ясовулларга ҳужум қиладилар. Ясовуллар  
қочадилар, ишчилар қувлаб кетадилар)

— П А Р Д А —

### II П А Р Д А

Ўрда. Сарой ичкариси. Азизбек хонларга хос бўлган лавозиматни  
тайёр қилиб, бек, аълам, муфти, аъёнлари билан ўтирибдир. Ҳа-  
ёлга чўмган. Қайғу, ғазаб кўриниб туради. Музика. Парда очилади.

### А з и з б е к

Оҳки бўлди менга зинданси асорат Тошканд,  
Ёввойилар уяси, кони шарорат Тошканд.

Ҳеч хаёл этмас эдим бу каби ўт ичра қолай,  
Энди билдимки эмиш лойиқи ғорат Тошканд.

Йўқ сарой ҳурмати ҳеч кимсада, гўёки эмиш,  
Хазнаи фитнау жаёндан иборат Тошканд.

Кундузи қайғуда, оқшомлари хавф остидаман,  
Оҳки бўлди менга зинданси асорат Тошканд.

(Ташқаридан салом хори эшитилади. Музика)

## Х о р

Шоҳо, бақойи умри ту бода ҳазор сол,  
Иқбол дар паноҳи ту бода ҳазор сол  
Соли ҳазор моҳу маҳи сад ҳазор рўз  
Рўзи ҳазор соату соат ҳазор сол.

## Солиҳ судур

Аъло ҳазрат, бу дарду қайғу нечун,  
Зоти Олига содир ўлди буқун?  
Нима хотирларига этди хутур,  
Бандалардан нечик кўрилди қусур?

## А зизбек

Сўзлашардик Қўқонда биз ўз аро,  
Ким эрур Тошканд аҳли юзи қаро.  
Муттаҳам бош кесар эр ила аёл,  
Доим исёну фитна фикру хаёл.  
Уламолар чакакка банда эмиш,  
Киши билмас сирин, газанда эмиш.  
Ясовул, тунқотор, амир ила бек,  
Ҳар бири билгай ўзни юрг хонидек,  
Этилар эрди ҳар на сўзки баён,  
Рост эмиш барчаси, кўрилди аён.  
Сиз экансиз менга намакхўрлар,  
Иш қилар фикрингизла нонкўрлар.  
Яна ҳеч нарса кўрмаган бўласиз,  
Қайғу ташвишларим савол қиласиз.

## Солиҳ судур

Зоти олига ҳиммат ила кўмак,  
Бизга диний вазифа, олий тилак.

### А з и з б е к

Фитнада эл билан режа қурасиз,  
Ҳар нечик сир ўтар, билиб турасиз.  
Кеча Айвона фитна масаласи,  
Мингбошимиз билан муомаласи.  
Сизга бир зарра айламайди асар,  
Чунки ҳамфирклингиз у каллакесар.

### Н одир бек охун

Мингбоши, балки сочган элга ғазаб,  
Ўзи бўлгандир ушбу ҳолга сабаб.

### А з и з б е к

Сизки шундай десангиз эл на қилур,  
Душманона босиб саройга келур.

### Н одир бек охун

Қатъий бир фикр эмас на сўзки дедим,  
Балки шундаймикан деб айткан эдим.  
Эл қаро ҳар на бўлса қобили арз,  
Зоти олийга билдириш биза фарз.

### С о ли ҳ с у д у р

Сўзингиз бирла бизга ортди гумон,  
Дердилар бош сиз осийларга томон.  
Биз ишонмас эдик очилди бу сир,  
Тилингиздан илиндингиз-ку ахир.

### Б и р н е ч а л а р

Тўғри, биз ҳам бу хил эшигтан эдик.  
Айткали муфтидан уяткан эдик.

## Бир - нөчалар

Нега тұхматни түғри деб биласиз,  
Хам охун домлага ҳужум қиласиз?  
Судур үз айбини яширмоқ учун  
Сарф қилмоқда барча ҳийла кучин.

## Нодирбек охун

Хону халқ үртасин бузиб юрасиз,  
Кунда минг макру шайтанат қурасиз.  
Қай тараф ғолиб үлса сиз у тараф,  
Хам мунофиқлиқ үлди сизга шараф.

## Солиҳ судур

Бари ноңақ ҳужум, бу фитна фасод,  
Бу Охун күрдиким бозори касод.  
Очилиб қолди макру ҳийлалари,  
Қолмади оқланыш василалари.  
Жонини құтқариш учун уринур.  
Энди вакт үтди, фойдасиз суринур.

## Абдирахим Аълам

Бас Судур, түшманг энди талвасага,  
Йүл тополмайсиз энди васвасага.  
Шаллақилиқ қилишга бошладингиз,  
Қорангизни бирорға ташладингиз.

## Рауф маҳдум

Жаҳдингиз бирла Тошканд аҳли ёмон,  
Юз тутибдир шаҳар хароба томон.  
Сиз ҳамон тұхмат ила макр изида,  
Қолмағой бир ҳариф жаҳон юзида.  
Бу Охун домла янглиғ зоти шариф,

Күринур сиз учун ягона ҳариф.  
Бу киши гүё сиррингиз биладир,  
Буни хон олдида баён қиладир.  
Күркдингиз, шубҳа бирла битди чидам,  
Кўйдингиз шайтонат йўлига қадам.

### Солиҳ судур

Лонусаллам бу сўзга ҳар на дедим,  
Эл сўзига биноан айткан эдим.  
(Удайчи киради. Музокара тўхтайди)

### Азизбек

Хўш?

### Удайчи

Одил понсад келди кирмак учун,  
Рухсатингизга мунтазир...

### Азизбек

Кирсин!  
(Удайчи чиқади. Одил Ойбону билан киради. Таъзим  
қилади. Ойбону такаббурона)

### Азизбек

Ким бу?

### Одил понсад

Хон истаганлари шу.

### Азизбек

Ҳали  
Оси Айвона шу десанг-чи?

## Одил понсад

Балли

### Азизбек

Хүш, эй Айвона, бу нечик ғалаён,  
Ёки қымоқчисан күчингни аён?  
Нега бизга мудом зарар кутасан.  
Юртни бир аждаҳо бўлиб ютасан?  
Ё берилди тасарруфингга жаҳон  
Хўш, нима мақсадинг бор, айла баён?

### Музика

### Ойбону

Вой демас ҳеч кимса бағри дард ила қон бўлмаса,  
Одам эрмас келса қўлдан дардга дармон бўлмаса.  
Бир масал бордирки: «Кўшнинг тинч, сен тинч»,—  
дейдилар,  
Бўлмагай то зулмидан золим пушаймон бўлмаса.  
Зўлм эли дунёни айларди қачонлар тор-мор,  
Дамба-дам золимга қарши бундай исён бўлмаса.  
Косибу деҳқон таланди ҳам тириклик бўлди танг,  
Ким берур эрди сенга бир донни деҳқон бўлмаса.

Музика ўзгарамади.

### Азизбек

Хиёнат аҳлига мансаб эли бало кўринур,  
Яна шу фитначилар халқقا раҳнамо кўринур.  
Кимки шарму ҳаёу диёнати йўқ унинг,  
Фасоду фитна унга тоати худо кўринур.

## Солиҳ судур

Кишики ақли кам одобу хулқу фикри бүзүк,  
Унинг кўзига қачон шарм ила ҳаё кўринур.

## Судурчилар

Бу паст ҳалқ иши беҳуда қўзғолон доим,  
Булар касофатидин тўғрилар хато кўринур.

## Ойбону

Ўғрилар сурди бунда айшу ҳузур,  
Эл ҳисобига кайфу базму сурур.  
Қийналиб қаҳру жабр ила фуқаро  
Босилурлар кесакча девор аро.  
Косиб ўз молига бўлолмас эга,  
Бўлди даллолга эҳтиёжи нега!  
Сиз сўрайсиз закоту харжу хирож,  
Тўламасдан қутулгали йўқ илож.  
Кечирар дәҳқон энг заҳарли ҳаёт,  
Солиниб шоҳи ўлпон, ушр, закот,  
Қила олмай солигни ҳечким адо,  
Шу сабаб бирла ортди юртда гадо.  
Соҳиби мансаб ўлди қузғунлар  
Олди исломчи номини бузғунлар.  
Дод деган кўп, эшиткучи сира йўқ,  
Додраслар таловчилик ила тўқ.  
Амалингиз натижасин кўрасиз,  
Нимаким экдингиз уни ўрасиз.

## АЗИЗБЕК

Бас, тилингни тий аҳмоқ!

## Солиҳ судур

Озроқ уял!  
Дин шариатга ҳам бир айла амал,  
Сенга шаръи вазифа уйга кириш,  
Бир савам пахта бирла чарх йигириш.

## Ойбону

Кийдиарсиз бекорчи сүзга лиbos,  
Қай ишингиз шариат амрига мос?  
Боболар дер: «Балиқ чирур бошидан»,  
Завқингиз ортар элнинг кўз ёшидан.  
Қани инсоф, қани диёнатингиз?  
Камбағалларга хос хиёнатингиз!  
Ё косиблар кўмакчисиз биласиз,  
Шаҳри бедарвоза гумон қиласиз.  
У замон ўтди халқ кўмаксиз эмас,  
Мана мен бор кўмакчи...

## Азизбек

Вайсама, бас!

## Ойбону

Этсалар қўлларимни макр ила банд,  
Сола билмас тилимга кимса каманд.

## Азизбек

Эттирурман бу чоқ бошингни жудо.

## Ойбону

Қиласман халқа бошу жонни фидо,  
Ҳар на беҳуда буйруғинг эса қил,  
Афвинг истаб ялинмадим, шуни бил!  
Неча йил берди менга муҳлат ажал  
Деди: «Қил золим аҳли корини ҳал!»  
Ҳали золим тирик, менга йўқ ўлим,  
Узатилган қасос олишга қўлим,  
Халқу ўғлим, эрим учун оламан,  
Бошингга ит азобини соламан.

## **Солиҳ судур**

**Бас!**

**Азизбек**

**Удайчи!**

**Бир киши**

**Удайчи!**

**Удайчи**

**Хозирман.**

**Азизбек**

**Қани жаллод, чиқиб чақир тездан.**

**(Удайчи таъзим қилиб чиқиб кетади)**

## **Солиҳ судур**

**Узр эт Айвона, йўқ эса ўласан,  
Сенга ҳозирланур гўр ила кафан.**

**Музика**

**Ойбону**

Уят, уят менга зулм аҳлидан ибо қилсам,  
 Яшаш умидила номусни хокипо қилсам.  
 Менга вазифа, ўқитмоққа ҳожатим йўқ ҳеч,  
 Будир тилак менга, золимни ерга жо қилсам.  
 Белимни боғладим эл хизматига мардона,  
 Нечик шараф менга эл дардига даво қилсам.  
 Шу хону бекни жаҳондан кўтармак осондир,  
 Ки халқ мен иладир тўпланур нидо қилсам.  
 Кишики душманига ёлворур у одам эмас,

Мен ул эмаски ситамгарга илтижо қиласам.  
(Жаллод кириб таъзим қилади)

### Ж а л л о д

Олий фармонингизга кўз тутаман,  
Кимга етмиш ажал бажо этаман.

### А з и з б е к

Мана бу лойиқи азобу жазо.

### О й б о н у

Майли, мен халқ учун ўлишга ризо.

### А з и з б е к

Шаръу дин буйруғин бажо қиласман.

### О й б о н у

Нега мен сенга илтижо қиласман?  
Қўйдим ул чоқки мен бу йўлга қадам,  
Ўйлаганман қийин азобин ҳам.  
Гоҳ тубан, гоҳи устун олам иши,  
Бунга алданмағой ақлли киши.  
Бўлди уч йил сенинг қўлинг юқори,  
Оёқ ости қилинди халқ бори.  
Билур эрдинг ўзингни бир нара шер,  
Халқ гўё мушук қўлингда асир.  
Давр сурдинг эл узра бе каму кўст,  
Давр мажнун гузашт навбати мост.

### С о ли ҳ с у д ү р

Олий ҳазрат, ажабки сабр этасиз,  
Бунинг иғвосига қулоқ тутасиз.  
Бердингиз бунга сўзлагунча амон,

Биз эсак ўлдирардик алла замон.  
Билмагай яхшилиқни бу ўғри.  
Тұгатинг тезда умрини.

Бир нечалар

Тұғри.

Азизбек

Бор, кетир, тез таёқ билан терини.

Бир киши

(кулиб) Ушбу йүлдан бориб топар эрини.

Азизбек

Хүш, Охун домла сизча ҳұкм қалай?

Нодирбек охун  
Мен ҳам ўз фикримни орага солай,  
Кечириш құдрат аҳли мевасидир,  
Сахий улдурки, ағв шевасидир.  
Сиз бу ерда буни жазолатасиз,  
Бир хотиннинг гуноҳига ботасиз.  
Буни зиндан этилса яхши бўлар  
Тегмас эркак қўли у ерда ўлар.

Бир нечалар

Орий, шаръан Охунни фикри савоб,  
Энди ҳожат эмас саволу жавоб.

Жаллод

Нима фармон қилурсиз?

Нодирбек охун

Масала ҳал.

## Солиҳ судур

(истеҳзоли) Үлдириш бўлди ҳабс этишга бадал,  
Хонимиз ҳукми бир ўйинчиқдир,  
Бузилиш, ўзгаришга лойиқдир.

### Азизбек

Йўқ, ўз амримда мустақил тураман,  
Юртни ҳам ост-устига келтираман.  
Майли бўлсин отам-онам менга бир,  
Ҳукмим олдида бир чўри бир асир.  
Терига жойла икки юз таёқ ур

### Жаллоҳ

Бўйруғингиз бош устига (Ойбонуни ушламоқчи бўлади)

## Ойбону

Нари тур! (қўлинни бўшатади, Азизбекка қараб  
югурлади)

Сендан аввал қиласай бу ўлкани пок,  
Майли сўнг соғ қолай ва ёки ҳалок.

### Азизбек

Қўймангиз ҳой, тутинг... Одил понсад!

## Ойбону

На қиласади Одил билан жаллод?  
(Азизбек қочиб кетади. Солиҳ судур Ойбону ёнига  
келади)

## Солиҳ судур

Хонга ҳам ҳайбатингиз ўлди аён,  
Каму кўстин этармиз унга баён.  
Онам, эй ҳалқни меҳрибон онаси,  
Кетмагингиз талаб этар хонаси.

## Ойбону

Бас, мунофиқлиқ этманг энди судур,  
Бир — ҳалол луқма сизгагина қудур.  
Хонни иғволар ила қистадингиз.  
Мени тез ўлдиришни истадингиз.  
Қолмағайсиз бу сўзла мендан омон.

(Судур Ойбонуни бир чекага олиб боради)

## Солиҳ судур

Йўқ онам, айламанг бу хилда хитоб,  
Ноўрин мен учун шу қаҳру итоб.  
Йўл эди, сизга қарши ҳар на дедим,  
Ҳукмни бузмак истаб айтган эдим.  
Сизни ҳукм айлади ўлимга ахир,  
Уни ўзгартучи ким эрди? Фақир.  
Сизга мен доимо кўмак қиласман,  
Унутибсиз кўмакларим.

## Ойбону

Биламан.

## Солиҳ судур

Билсангиз яхши, энди тезда жўнанг,  
Маслаҳат шундайдир, сўзимга унанг.  
Ташқарида сиз ишланг, ўрдада биз,  
Йиқамиз зулм уинни.

## Ойбону

Хўб, кўрамиз.

(Ойбону кетади, Азизбек киради, тахтга ўтиради)

## Азизбек

Мочахар ёввойи қани?

## Солиҳ судур

Кетди.  
Энди у — уйга бориб етди.

## Азизбек

Нега бўш қўйдингиз уни?

## Солиҳ судур

Нетамиз?  
Кучли девнинг йўлин нечик тутамиз,  
Уйидан уйқу чоғи бостирингиз,  
Келтиринг, сўзга тутмай остирингиз.

## Азизбек

Чақирилсин, қани Одил понсад?  
Барча ташвишга боис у бадзод.  
Нега бўш боғлағон унинг қўлини,  
Кўзлагандир қочиб кетиш йўлини?  
Келтирилсин Одил ҳўқизни бу он,  
Ўлдирилсин!

## Солиҳ судур

Ошиқмасинлар хон!  
Узди Айвона қўллари бандин,  
Хазначи берган ипни бе пандин.

## Азизбек

Билдим, айбдор ҳазиначи ўғри,  
Ўлдирилсин!

## Солиҳ судур

Бу ҳукм нотўғри,  
Гуноҳ ипни ясовчида.

## Азизбек

Кетириңг!

Аввал унга йигирма дарра уринг.  
Сүнгра танбек берип у мурдорга,  
Элга ибрат қилиб осинг дорга.

(Дониёр киради, ўзларига хос ишорат қиласди. Азизбек аъёнга рухсат беради)

## Азизбек

Гапир!

## Дониёр

Айвонанинг қизи бор экан,  
Бир ажаб нозанин ғунча даҳан.  
Оти Мастону қўзлари чала маст,  
Берадир ҳусни ҳур парига шикаст.  
Қўрсангиз қадди худди гулдаста,  
Тўлин ой юзли қадди гулдаста.  
Қора соchlари тоқимда, қўзи хумор,  
Хуллас у ишқ хастасига тумор.

## Азизбек

Жуда ҳам мақтадинг кетирчи кўрай,  
Рост дедингми?

## Дониёр

Бош устига кетирай (кетади)

## Азизбек

Мана энди учинчи зарба инар,  
Балки Айвона энди бели синар.

— ПАРДА —

### III ПАРДА

Ойбонунинг уйи. Мастон ўчоқ олдида қумғон осиб ўт ёқиб ўтирибди. Холдор айвонда ярглар оқлаётир.

Музика. Парда очилади.

#### Х о л д о р

Бенавоман захри ғам ҳар лаҳза ком ўлмиш менга,  
Тонг билан түнларни фарқ этмак ҳаром ўлмиш менга.

Боғу бўстон дерлар аммо, мен кўришдан бенасиб,  
Англамайманким нечик ерлар мақом ўлмиш менга.

Меҳрибонимнинг юзин кўрмак тиларман доимо,  
Бу каби олий тилак савдоий хом ўлмиш менга.

Мен ҳам истардимки сайри боғи гулзор айласам,  
Найлайн бебахтлик занжири дом ўлмиш менга.

Бу каби ранжли умр сурмакми дунё лаззати?  
Ҳеч керакмас бу ҳаёт акси ҳаром ўлмиш менга.

#### М а с т о н

Дўст, бали!

#### Х о л д о р

Мастоной, шу ердамисан?

#### М а с т о н

Сизни ташлааб қаерга ҳам бораман?

**Холдор**

Сени мен қүшниларга чиқди дедим.

**Мастон**

Сизга чой қайнатиб ўтирган эдим.

**Холдор**

Мундоқроқ кел, нега қочиб турасан?

**Мастон**

Бундан ортиқ қаерда ўлтираман?  
Тиззангизга чиқайми?..

**Холдор**

Нетар?

**Мастон**

Уят, эл ҳам эшиңтса таъна этар.

**Холдор**

Сени тиззамда доим эркаладим,  
Мөхру шафқатла бош юзинг силадим.

**Мастон**

Еш эдим бир мушукча эрди таним,  
Бешику тизза эрди истаганим.  
Ҳам у чоқда эдим ниҳол новда,  
Эндиши, бир ландахур қўпол гавда.

**Холдор**

Майли қандай кўринсанг ўз кўзингга,  
Боқ менинг кўзларим билан ўзингга.

## Мастон

Ҳамма нарса у дамрасо күринар,  
Еки ёлғизгина асо күринар.

## Холдор

Нима ҳожат шу ҳазлу чин аралаш  
Бу заиф бенавони масхаралаш.

## Мастон

Хүш, мени сиз на деб гумон қиласиз?  
Фикрингизча мени на деб биласиз?

## Холдор

Сенми? Дил дардига улуғ дармон.  
Сенми? Севгиға бергүчи фармон,  
Сенми? Ҳар нотавон заифга мадор,  
Сенми? Вайрон күнгилга сабру қарор.  
Сен — хаёл шоҳи, ақл менга асир,  
Сен — күнгил тахтида севикли амир.  
Сенми?— Бу марҳаматли марҳамижон.  
Сенми? Бир сир каби күнгилда ниҳон,  
Сенми? Ошиқнинг оташин сўзисан,  
Қилсалар жон фидо у жон ўзисан (йиғлайди)

## Мастон

Йиғляяпсиз-а,вой қўйинг...

## Холдор

Нетайин!  
Токай ўз дардимни ниҳон тутайин?  
Үйлама кўзи кўр қилур шунча ғам,  
Севги урган юракка тифи ситам.

Күзларимга жаҳону боғи ниҳон,  
Дардли күнглигма севги доғи ниҳон.

Музика  
Мастон

Умид йўқ эрди бўлур баҳт ваҳиси ромим,  
Кечарди ваҳму хаёл ила тийра оқшомим.  
Мисоли зарра йўқолмишди сабру оромим,  
Етишмас эрди нигоримга ғамли пайғомим,  
Тилак майила тўла келди навбати жомим.

Кўринди менга қабули дуоларимдан асар,  
Юритди ҳукмини раъйим каби қазоу қадар.  
Мувофиқ ўлди менга ишқ аро гўзал дилбар,  
Кўнгиллар ўлди мусаффо, тугалди ранжу қадар,  
Муяссар ўлди фалакдан менга улуғ комим.

Холдор

Завқу шавқ бўлмас эрди сенга писанд,  
Нега бўлдинг ўзингда йўқ хурсанд?

Мастон

Чунки бўлди мувофиқ икки юрак,  
Чунки бўлди муяссар олий тилак.  
«Дил-бадил ойина» — улуғ масали,  
Бизга кўрсатди ўз кучин амали.  
Тилагимдир ҳамиша сұхбатингиз,  
Туну кун эрмагим мұхаббатингиз.

Холдор

Ростми, Мастон?

Мастон

Улай, аниқ бу сўзим.  
Доимо сизга банд хаёлу кўзим.

## Х олдор

Бекор айтибсиз Мастоной.

## М астон

На учун?

## Х олдор

Чүнки бир бенаво ғарибу забұн,  
Емак-ичмак заволи жонли кесак  
Бедавонинг вужуди кимга керак?

## М астон

Шу яроғларни тозалаш ила сиз  
Халқ үчүн энг улуғ күмак қиласиз.  
Мени ул куни чақмиш эрди чиён,  
Сизгина шафқат айладингиз аён.  
Ҳам сўриб олдингиз чиён заҳарин  
Боғладим сизга чўрилик камарин.

## Х олдор

Кўзим олди бўлакка берди худо,  
Ихтиёrimдан ишқинг этди жудо.  
Қолди бу жон фақат амонат у ҳам,  
Ол уни менга ҳарна даҳмаза кам.

## Музика

Мен найлайн бермай ризо билсамки ёр ўлтурғуси,  
Лойиқ кўриб жабру изо беихтиёр ўлтурғуси.

Йилларки мен ожиз фақир, ғам илгида эрдим асир,  
Бир меҳрибоним ҳам ахир бегонавор ўлтурғуси.

Ҳолимни сўрмас ҳеч киши, бошимда дунё ташвиши,  
Билдимки дўстим хоҳиши мен қулни зор ўлтурғуси.

Дўст ким кулар мендан бу чоқ, бегона урмасми пичоқ,  
Ё икков айлаб иттифоқ қоним нисор ўлтурғуси.

### Музика

#### Мастон

Дил дардин айлар ошиқ дилдорига ҳикоя,  
Гар ортса ёр итоби кимга қилур шикоя.  
Ғам тутқунига ҳечким қилмас экан риоя,  
Ортмоқда ранжу кулфат жонимга бениҳоя,  
Қийналмоқ эрди гүё ишқ ичра қасду ғоя.  
Парвосиз ўлди ёрим тинмас фалак жафодан,  
Дўстим оғизни очмас ҳеч меҳр ила вафодан.  
Бегонадан зиёда дард тортдим ошинодан,  
Бағрим жароҳатига топмай асар даводан,  
Ҳар лаҳза ёрим айлар минг заҳрли киноя.

(Дониёр икки йигит билан киради. Мастон Ҳолдор пинжига сукулади, қўшни девордан бир бош кўриниб туради)

#### Дониёр

(йигитларга) Балли, Мардон бегу Олим дарға  
Бердилар паст баҳо бу дилдорға.

(Шилқимлик билан Мастонга яқин келади, кулимсираб)  
Марҳамат айла нозанин.

#### Мастон

Қайга?

#### Дониёр

Бошламаймиз сени ёмон жойга,  
Мана ҳозир бориб ўзинг кўрасан,  
Бизга раҳмат ўқиб дуо қиласан.

Мастон

Йўқ...!

Дониёр

Ўжарлик берар ўзингга зарап,  
Уйда қолдинг етар бу кунга қадар.  
Энди бўл, тийра кулбамизга чароғ,  
Ҳамма айлар бу хилда жойни сўроғ.  
Таклифимга итоатинг кутаман,  
Йўқ десанг зўр билан олиб кетаман.

Холдор

Ким булар, Мастон?

Мастон

Одам овчилари,  
Таниман ажал совчилари.

Дониёр

Олингиз!

Мастон

Ҳаддан ошмангиз жуда ҳам,  
Тортадирсиз бекорга ранжу алам.

Дониёр

Олингиз, ҳой нега қараб турасиз?  
Нега ҳукмимга қарши юз бурасиз?

(Йигитлар Мастонга ҳужум қиласилар. Мастон сўз бермайди. Бир йигитни уриб йикитади. Дониёренинг ёрдами билан Мастон тутилади)

Мастон

Ака, Холдор ака, кўмак этингиз!

## Х о л д о р

Акалар, сийлаи раҳм тутингиз,  
Қўйингиз, Мастонимга берманг азоб,  
Қўймангиз менга доғу ҳоли хароб.  
(Уйда тимискилаб юриб Дониёрга дуч келиб ушлайди)  
Жон ака, раҳм этинг!

## Д о н и ё р

Йўқол, шум кўр!  
Иш кўролмас на илтимосу на зўр.  
(Холдорни қамчи билан уради. Холдор Дониёрни қучоқ-  
лаб ерга уриб босади).

## Д о н и ё р

Қутқаринг ҳой менга кўмак берингиз.

## Й и г и т л а р

Ҳой Абужаҳл кўр.  
(Холдорга ёпишадилар. Зўр бериб тортадилар)

## Х о л д о р

Нари турингиз.  
Йигитларга ҳужум қиласди. Дониёр ўрнидан туради.  
Қамчи билан Холдорнинг бошига уради. Холдор боши  
ёрилиб йиқиласди. Мастонни олиб кетадилар. Девордан  
қараб турган баш йўқолади. Ризвон хола киради. Хол-  
дорни суюиди. Рўмол хўллаб Холдорнинг юзидаги қон-  
ларни артади. Холдор ҳушига келади).

## Х о л д о р

Мастоной сенмисан бу?

## Р и з в о н

Мен Ризвон.  
Уни ўғрилар элтди.

## Х олдор

Оҳ Мастон!

Билдингизми хола, улар ким экан?

## Ризвон

Билмадим, кимки бўлса золим экан.  
Худди бир ўт каби тутар эдилар,  
Юртни аждар бўлиб ютар эдилар,  
Шукр қил, сабрсизлик этма бола.

## Х олдор

Шукр этай? Кимга шукр? Кимга хола?  
Шукр этайми шу ғамли ҳолимга,  
Ёки жон қийнағувчи золимга?  
Е қиласми худога шукр баён?  
Чунки қилди зўр илтифотин аён.  
Қилди зулм аҳлининг кўзин равшан,  
Аяди битта кўзни ҳам мендан.  
Ёки Мастонни элтдилар шу учун,  
Ўғриларга шукр қиласми бу кун?  
Энди ҳолимга боқғувчи киши йўқ,  
Хоҳ ўлай, хоҳ қолай, бирор иши йўқ.  
На керак менга бу заҳарли ҳаёт?  
Жона жон бўлди душман илгода мот.

## Музика

Элтдилар жононни мен энди бу жонни найлайин,  
Шунча ғам ичра ҳаётий жовидонни найлайин.

Мен жаҳону жонни истардим фақат Мастон учун,  
Бўлмагач гулшанда ул гул, гулистонни найлайин?

Ҳасратим ҳаддан фузун йўқ энди бир ҳасраткашим  
Бас амонат тил учида меҳрибонни найлайин?

Заҳрли ништар бўлур ширин насиҳатлар менга  
Шундай ўлгач бу каби бори гаронни найлайн?

(Олим дарға киради. Вокеани кўриб ҳайрон бўлиб  
қолади).

### О л и м

Нима гап? Мастоной қани? Бу не ҳол?

### Р и з в о н

Ўғрилар элтдилар.

### О л и м

Бу тушми, ё хаёл?  
Худди бу Мардон ит хиёнатидир,  
У бутун элни бедиёнатидир.  
Ўчакишган менга у ит боласи  
Деву шайтон унинг улуғ холаси.  
Анбиё, авлиё, худога қасам  
Итман ул итни қатл айламасам.  
Мени этдинг бу хилда саргардан,  
Қайға қочдинг, эй муттаҳам Мардон!  
(Бақириб турган пайтда Мардонбек киради, ҳайрон  
бўлади)

### М а р д о н

Нима гап дарға, мунча қичқирасиз?  
Нега бундай ғазабланиб турасиз?  
Нима бўлди, жаҳонга ўт сочасиз?  
Қани Мастон?

### О л и м

Уни олиб қочасиз,

Яна Мастон қани деган бу савол  
Кишига келтирап ғазаб ва малол.

### М а р д о н

Дарға, бир нарса бўлдими сизга  
Бир бало бўлдими кўзингизга?  
Нега лозим бу хилда туҳмат этиш,  
Яхшимас шунчалик хатога кетиш.  
Хўш, нега бундай ўғрилиқ қиласман?  
Менга айёрлик этдингиз, биламан.  
Мени ғофил қўйиб келиб эдингиз,  
Мана таъзирингизни хўб едингиз.  
Сизни овора қилди баҳти забун  
Додланг ўз баҳтсизлигингиз учун.

### О л и м

Яна ҳам баҳтсизроқ сиз ўзингиз,  
Сизга мос баҳтсиз деган сўзингиз,  
Сизни ҳам бўлди баҳтингиз маълум.

### М а р д о н

Иккимиз баҳтсиз, иккимиз маҳрум (кетадилар)

### Х о л д о р

Хола, кимдир булар?

### Р и з в о н

Икки жаллод:  
Энди бўлди бир овга уч сайёд  
Келди бир гул учун икки қарға,  
Бири Мардон, бири Олим дарға.  
Иккови ҳам саройнинг итларидан,  
Иккови Мастонийга келган экан.  
(Шу вақт Ойбону ғазабланган ҳолда кириб келади)

## Ойбону

Нима гап?

## Ризвон

Келдилар қыз ўғрилари,  
Қолди Холдорда ўғрилар асари.

## Холдор

Она, дод ўғрилар дастидан, онажон!  
Элтди Мастонни.

## Ойбону

А, қаёққа? Қачон?  
Ким экән?

## Холдор

Күрмасам нечик биламан.

## Ризвон

Сарой одамлари гумон қиласман.

## Ойбону

Йўқ, йўқ, ортиқ туганди сабру мажол,  
Мени маҳв айлагай шу ранжу малол.  
Ҳар томонга одам югуртираман,  
Ўғриларнинг уйига ўт ураман.

(Газаб билан ташқарига чиқиб шовқин солади)  
Эй мусулмонлар, эй аламзадалар,  
Зулму ҳақсизлик ила ғамзадалар,  
Ҳой етимлар, ота-ака йиғилинг,  
Она, сингилларим, кўмакка келинг.  
— Нима бўлди?

— На қилди?

— Хүш, нима ҳол?

(Хожи она, Ҳожар хола, эркак, аёллар кирадилар)

Ҳожи она

Яна, Ойбону, бу на ранжу малол?

Ҳожар хола

Яна кимдан етишди сенга алам.

(Искандар, Диёр ва бошқалар кирадилар)

Искандар

Нима бўлди хола?

Диёр

Яна нима ғам?

Музика

Ойбону

Фалаклар ўртнадир дарди дил баён этсам,

Юракни парчалагай дардимни ниҳон этсам.

Мени қувиб юрадир ҳар нафасда ўзга ситам,  
Тушар бошимга наким ваҳм этиб гумон этсам.

Қаерга юз тутушимни билолмайин қолдим,  
Хато кетар тилагим ўрнини нишон этсам.

Етишди менга бу дам ҳеч кутилмаган бир ғам,  
Равоми бу ғам учун тарки хонумон этсам.

Кўмак этинг шу қаро кунда мен аламзадага  
Ажабланиш ери йўқ ғўз ёшимни қон этсам.

Искандар

Бир сабаб борми?

## Ризвон

Элтдилар қизни.

Хожи, Хожар

Ким? Қаерга?

## Ризвон

Билувчи йүқ изини.

Хожи она

Юбориш лозим ҳар томонга чопар,  
Балки излаб бу ўғриларни топар.

Бир нечалар

Түғри.

Бир нечалар

Энг яхши маслаҳат шу

Хожи она

Диёр!

Сен югур тезда Себзор устига бор,  
Сен, эй Искандар ўғлим, Кўкча томон.  
Файзи, Шайхантаурга бор, сен Омон  
Бешёғочга. (Тўрт киши ажралди)

Тўрт киши

Дуо қилинг, кетамиз.

Хожи она

Борингиз, тангридан зафар кутамиз. (Улар кетдилар)  
Қани ким ўрдадан кетирди хабар?

## Ризвон

Мен борурман ижозат ўлса агар.

## Холдор

Рұхсат айланғ борай холам ила ман.

## Ризвон

Майли, борсин, саройда важ қиламан.

Буни гүё табибга күрсатаман,

Хөч кими йүк етим деб арз этаман,

Қилмагай бизга токи кимса гумон.

## Хожи, Хожар

Борингиз, қайтингиз эсону омон.

(Ризвон хола Холдорни етаклаб чиқиб кетади)

## Хожиона

Сиз жамоат, боринг яроғланингиз,

Тонг отарда бу ерга түпланингиз.

Эрталаб түғри ўрдага юрамиз,

Зулм кони саройға ўт урамиз.

Түрт даңа халқи зартага келади,

Хонга қарши улуғ ғазот бўлади.

Топмагай энди зулм аҳли халос,

Оламиз барча зулму жабрларга қасос.

## Бир тўда

Қонга қон!

## Бир тўда

Жонга жон!

## Бир тўда

Интиқом!

## Ҳамма

Қасос!!!

— ПАРДА —

## IV ПАРДА

Сарой ҳарамхонаси. Бир қанча қызлар, ҳаммаси қайгуда. Улфат Раъноларнинг шикоятли хониши бошланади. Музика

### А ш у л а

Йиқил эй чор девор, кўйинингда зору нотавонлармиз,  
Чекил, эй пардалар, соянгда ранги арғувонлармиз.

### Парда очилади

### Улфат ва Раъно

Ота, мушфиқ онадан айри бир ҳайвон каби тутқун  
Түшиб ёру биродардан узоқда бағри қонлармиз.  
Жудо, эрку севинчлардан, тирик тушган мозор ичра,  
Кўмак ҳам мумкин ўлмас ғам деворида сомонлармиз.  
Ўйилгай эрди қон босқон кўзи зулму азоб аҳлин  
Уларнинг жабрин ўйлаб бунда аҳволи туманлармиз.  
Бизи ранжитма эй инсон қонин ичгувчи, йиртқичлар  
Ки биз ҳам тинч ҳаёт, роҳат талаб қилгувчи  
жонлармиз.

### Сарвар

Қўйинг Улфатниса бу жабру ситам,  
Тинкасини қуритди ҳамманинг ҳам.  
Биз учун камбағаллик ўлди гуноҳ,  
Кутган озоримизни хону сипоҳ.  
Камбағаллар туман-туман ўладир,  
Шу билан хонлар ишрати тўладир.

## Д и л о р о м

Сүзингиз жуда түғри Сарвар опа,  
Хақлisisiz ҳар нечик бўлишга хафа.  
Фойдасиз бу замон надоматингиз,  
Шу саройда бўлур қиёматингиз.

## У л ф а т

Нега биз қиз бўлиб туғилдик экан,  
Кошки бўлгай эдик заҳарли тикон.  
Нима кўрсак жаҳоннинг оғатидин  
Бўлди Ризвон хола касофатидин.  
Тикди ҳар ерда шайтанат туғини,  
Қанчаларнинг қуритди ёстуғини.  
Ўзини сўфийи замона қилиб,  
Кезар элда намоз баҳона қилиб.  
Ҳар бир үйга кириб қиз ахтарадир,  
Хабарин ўрдага олиб борадир.  
Юборурлар неча йигит у замон,  
Элтилур қизни қийнаб ўрда томон.

## С а р в а р

Менга эркак киши бориб эди-ку,

## У л ф а т

Мулла Дониёр деган бир исказич у.  
Айламиш тавба Ризвон ўз ишидан,  
Элу юрт роҳат ўлди ташвишидан.  
Үрнига Дониёр отли бир кишини,  
Қўйдилар элни қийнамоқ ишини.

## З а й н а б

Мулла Дониёр буқун йирик ови бор,

## Р а ъ н о

Яна ким шўрлиқ ўлди бунга дучор?

Улфат

Танидингизми?

Зайнаб

Ха.

Улфат

Ким экан у қиз?

Раъно

Ким экан?

Сарвар

Ким-у?

Зайнаб

Ҳаммангиз биласиз.

(Шу вақт Ризвон хола Холдор билан киради)

Ризвон

Соғмисиз қизларим?

Улфат

Қаерда қизинг!

Раъно

Йўқолиб эрди-ку, бу ердан изинг.

Ризвон

Нима дейсан, қизим?

Улфат, Раъно

Қизим демагин,

Ор этармиз, бас, энди алжимагин,

Бизни сен айладинг балога дучор,  
Сенда йўқ заррача ҳаё ила ор.

### Ризвон

Рост қизим, мендан ўтди катта хато,  
Бу замон тангри тавфиқ этди ато.  
Искавичликка тавба айладим.

### Улфат

Елғон!  
Сени эл барчаси таниб қолғон,  
Билдинг ўйнар бошингда тезда таёқ,  
Шу учун ҳийла сори қўйдинг оёқ.

### Зайнаб

Қўйингиз, берманг холамга сазо,  
Ким ёмон — тангри бергай унга жазо,  
Тўғридир балки тавба айлагани.

### Улфат

Сичқон ўлгай мушукни пойлагани.

### Ризвон

Бир қариндош қизимни кўрмак учун,  
Бир йўлим тушди бу томонга букун.  
Кирган эрдим, қани-кўринмас у қиз?

### Зайнаб

Хола, ким у?

### Ризвон

Муқаддасой-чи.

## Зайнаб

Эссиз.

У қулинг дарди бирла бўлди вафот.

## Ризвон

Афсус, у бўлди меҳнат илгига мот.

## Улфат

Хийладир бу сўзинг ҳам

## Зайнаб

Улфат опа!

Кўйинг этманг холамни мунча хафа.

## Улфат

Бу йигитни нега кетирди, нега?

## Раъно

Чунки ўз аҳдига бу бўлмас эга.

## Ризвон

Қўшнимиз ўғли бир кўзи ожиз,

Кўрсатишга табиб томон борамиз.

## Улфат

Бунда йўқдир табиб, жон олғувчи бор,

Қийнаб ўлдиргувчи даво тайёр.

(Холдор Ризвонга бўлаётган ҳужумдан қайғиради,  
жавоб ўрнида музика)

## Холдор

Ранжитма кўнглимизни биз ўзга ғамга ёр.

Ҳардам азобу ғам берур бу чархи бемадор.

Гулга қўлимни урсам у албат бўлур тикон,  
Дарёдан истасам сув агар, қўпғувси ғубор.

Бағрим жароҳати сира топмас давосини,  
Ичсам агар асал у берур таъми заҳри мор.

Келтирди бизни бунда қазонинг ўйинлари,  
Маълум эмас яна нечик сир айлар ошкор.

### Улфат

Бенавога етибди ғоят алам,

### Раъно

Замон оғатидан чекар минг ғам.

### Улфат

Ялмоғиз тинч қўймаган буни ҳам,  
Васваса бирла ўтди кун-туни ҳам,  
Йўқотайлик шу фитнани орадан,  
Тинчисин халқ шу юзи қорадан.

### Сарвар

Ҳах, қўйинг, яхшидир ошин егай у,  
Гар ёмон бўлса ўз бошин егай у,  
Ким дедингиз у қизни Зайнабхон?

### Раъно

Ким у?

### Зайнаб

Айвонанинг қизи Мастон.

(Ризвон хола Холдорни сирли туртиб қўяди)

### Қизлар

А?

Улфат

Эссиз Мастонай

Холдор

Нима Мастон.

Улфат

Ха, ха, Мастон, билурмисиз укажон.

Ризвон

Нега билмайди қүшнисин қизини,

Кизлар

Ха, ха шундайми билмасак биз уни.

(Шу вақт Азизбек, Солиқ судур, Нодирбек охун,  
Карим қутти, бир неча киши кирадилар)

Азизбек

Үтирибсизми, тұтилар соғ, омон,  
(Кизлар нафрат билан қарайди, Зайнаб ва бир нечалар  
хушомадли таъзим қиласы).

Зайнаб

Соянгиз бошимизда ҳазрати хон,

Азизбек

Ха, Ризвон хола, сафо келасиз,  
Бедараксиз?

Ризвон

Тирикчилик қиласыз,  
Умру давлатларин дуосидаман.

Шукр неъматларин адосидаман,  
Ёдингиз ҳамдамим ҳамиша.

А зи з бек

Бу ким?

Раъно

Қўшним ўғли, табибга элтар эдим.

А зи з бек

Хўш, нечик хаста бу?

Ризвон

Кўзи ожиз.

А зи з бек (аъёнга)

Кўзи бермиш жамолига нуқсон,  
Фойда бермайди бунга ҳеч дармон.

Ризвон

Рұхсат айланг кетишга,

. А зи з бек

Йўқ, ўтириңг.

Кетасиз базм ила ўйинни кўринг,  
Қани бошла, Карим, ҳунар кўрсат,  
Энди айшу тарафгадир фурсат.

(Карим қутти истар-истамас рубоб чалади,  
ашула қиласди.)

Музика

А зи з бек

Мулла Дониёр ови буқун жуда соз,  
Бу каби нозанин топилмоғи оз.

Мулла Дониёр қани уни кетириңг,  
Түтилар, сиз, үйин қилиб ўтириңг.  
(Дониёр чиқади. Карим рубоб чалади. Бошлаб Зайнаб  
үйнайды. Баъзи қизлар мажбурий ўртага тортилади.  
Дониёр Мастонни келтиради. Қизлар афсусланиб қа-  
райдилар. Солиҳ судур ва ҳамфирлари завқланиб қа-  
райдилар. Нодирбек охун қайғуга чўмади).

### Бир киши

Хўш Судур домла?

### Солиҳ судур

Хўб малоҳати бор.  
Қадди гулдаста янглиғ кўзи хумор.

### Азизбек

Мастоной энди қўй қазога бўйин,  
Бизга кўрсат бироз ашула — үйин.

### Мастон

Йигламоқ ҳам аза тутиш биламан,

### Азизбек

Тут сўзим, мартабанг баланд қиласман,  
Сени қирқ қизға бош қилиб қўяман.  
Ким сўзинг тутмаса кўзин ўяман,  
Сени кутмакдадир саодату баҳт,  
Келгил инсофга, бўлмагил дил саҳт.

### Мастон

Ҳеч очилмас бу ерда баҳт эшиги,  
Чунки бу ер жазо, бало бешиги.

Бұнда қирқ қызға бош бүлармишман,  
Ажалимдан бурун ўлармишман.  
Бир улуғ хонадон менинг насабим,  
Ору номусли пок эрүр ҳасабим.  
Менинг үрним эмас бу нахс сарой.  
Кимки бу ерга келса ҳолига вой.  
Бир ўлиш бор, қутулғани йўқ илож.  
Сақлай олмас бирорни таҳт ила тоҷ.  
Кетса номус тирик қолишида на суд,  
Турса кўз олдида шу нахс вужуд??!

(Солиҳ судур, Азизбек ва аъёнлар ҳаяжонда. Нодирбек,  
Улфат, ҳамфирлари хурсанд.)

### А з и з б е к

Ҳай ҳарамзода, бепадар, бу на иш,  
Ўз вали неъматингга қарши туриш?

### М а с т о н

Буми? Шарму ҳаёлилар нози,  
Англаб ол беҳаё Азиз този.  
Нозларимдан ҳали бу сир учқун  
Гўрингга ноз ила қалайман ўтин.

### А з и з б е к

Буни тез элтингиз чиёнхонага.

### М а с т о н

Дегил элтсин мени илонхонага.

### Музика

### М а с т о н

Сенга рози дилни баён этай уни айлагил басар  
эй сабо,

Бориб айт онамга саломими нима кўрдинг эт хабар  
эй сабо.

Унга нақл айла бу ҳолатим, ҳама ранж бирла  
малолатим,  
Ҳам ўлум қошида ҳижолатим дегил унга мухтасар,  
эй сабо.

Менга ол онамни ризосини хабар эт қизининг  
азосини,  
Менга зулм аҳли жазосини де онамга сар-басар,  
эй сабо.

(Мастон олиб чиқилди. Қизлар қайғуда. Ризвон, Холдор  
күтади. Нодирбек қайғули хаёлда, Азизбек, судур ғоли-  
бона қараб қолади).

Парда

#### IV ПАРДА У КҮРИНИШ

Қоронғи чиёнхона. Зах, ифлос бир уй, сарой бурчагида у ерда йигир-  
малаб бир хилда бўлган ҳумчалар оғзи боғлиқ туради, чиёнлар мубо-  
шири Ислом ғазабда, ўз хизматидан нафратда.

Парда очилади.

Ислом

Эй худо, на эди қулингда гуноҳ,  
Ҳар нафас менга торти қайғу сипоҳ,  
Мен бу ерда тузоқсиз, ипсиз асир,  
Бир вазифа дедим тутилдим ахир.  
Бу на даҳшатли бир вазифа эрур,  
Бутун инсонлиғим ҳавога берур.

(Бир ҳумчанинг оғзини қарайди. Даҳшатланади.  
Тез бекитади).

Кўрасиз, бу нечук хунук жонивор,  
Қилмасин душманингни бунга дучор.  
Хўнари заҳр солмоқ элга зиён,  
Фойдали бир зулук эмас бу чиён.  
Бу Азизбек ақлдан ўлди жудо,  
Ҳам чиён меҳрин унга солди худо.  
Қадим айёмда подшоҳ бор экан,  
Номи Заҳҳок, този дерлар экан,  
У илонга ибодат айлар эмиш  
Этиб эл миясин илонга емиш.  
Қилди етмиш минг одам ўғлин хок,  
Бўлди охир у халқ қўлида ҳалок.  
Бу Азиз тозидир, чиёнлара қул,  
Ҳам чиённи худо деб этди қабул.  
Зулмидан халққа етди жабру изо,  
Қанча одам чиёнга бўлди гизо.  
Элу халққа кўмакка қўл чўздим,  
Ҳам чиёнларни наизасин уздим.  
Қайси хумча эди унутдим эссиж.  
Йўқ экан менда зарра фаҳму тамиз.  
Бирга тангла буларга қанду набот,  
Сира дўст ўлмагай ёвуз ҳашарот.

(Газабли ҳолда хўмчаларга ишорат. қилиб хониш қиласди)

### Музика

Хунук маҳлүқлар асло дўст ила улфатни билмайсан,  
Баробар барчага жабринг валинеъматни билмайсан.  
Заҳарлаш сенга одатдир, ширин сұҳбатни билмайсан,  
Жафодир шева сенга, мәрҳамат шафқатни билмайсан,  
Сенга ҳам парваришми? Айлаган хизматни билмайсан.

Азизбекдан бўлак бир кимса сенга эътиқод этмас,  
Заҳарли наштарингдан айтчи ким фарёду дод этмас,

Қани ким суратинг кўрган замон зулмингни ёд этмас,  
Баногаҳ учратилса сенга қарши ким жиҳод этмас,  
Разил махлуқлар инсонларга ҳам ҳурматни билмайсан.  
(Мастон кўли орқасига боғланган ҳолда жаллод киради.  
Кулиб)

### Ж а л л о д

Мулла Ислом мана семиз ғунажин  
Оилангизга ем.

### И сл о м

(тескари қараб) Бошингни егин.

### Ж а л л о д

Қочмасин эҳтиёт қилинг.

### И сл о м

Биламан

Тортма ҳеч ташвиш эҳтиёт қиласман.

### Ж а л л о д

Хоннинг обрўсин айлади қаро ер,  
Унга қарши гапирди.

### И сл о м

Хўб, боравер!

(Жаллод кетади. Ислом Мастонга яқин келади)

### И сл о м

Ким бўлурсан, отинг на бўлди сингил?  
Ғайратинг бирла шавқа тўлди кўнгил.  
Надир вайтгил отингни шери занон?

## Мастон

Мастон, Ойбонунинг қизи.

### Ислом

Бўл омон!

Айтдим-а, ҳар тариқа ланду лаванд,  
Қила олмас бу хилда ишни писанд.  
На учун қилмадинг бу итни ҳалок,  
Шарридан айлар эрдинг ўлкани пок.  
Мени ҳам энди қўймағайлар омон,  
Чунки боққан шу хону бекка замон.

### Музика

## Мастон

Биз улки ҳалқ учун қиласиз хонумон фидо,  
Бир ғайратимиз олдида минг бегу хон фидо.

Ёлғиз эмасмиз, эл биза доим кўмакчи бор,  
Берсак ризо этар биз учун ҳалқ жон фидо.

Зулм аҳлининг иши абадий топмагай ривож,  
Айлар агарчи биз каби юз, минг, туман фидо.

Минг кетса минггу бир бу жаҳонга қўяр қадам,  
Қандай шараф — ҳалққа бўлур ҳар замон фидо.

Менга ҳали ўлим қўли етмак жуда узоқ,  
То бўлмагунча хон ила минг-минг чиён фидо.

### Ислом

Бўлғувси сизга шаксиз у афън илон фидо.

## Мастон

Қутулишнинг иложи йўқми амак,

## Ислом

Чорасизман сенга беришга кўмак,  
Бу бино хон саройи бурчагида.  
Ясовул дарвозанинг уст тагида,  
Сен эшикдан чиққан ҳамон тутадир,  
Сени ҳам, мени ҳам ҳалок этадир.  
Сўнг, уйимга бориб бола-чақани,  
Қирсалар қутқариб олувчи қани.

(Азизбек, судур, Нодирбек, бир неча аъёнлар  
кирадилар)

## АЗИЗБЕК

Нима ҳолинг бор, энди шаллақи қиз?  
Ёшгина жондан ажралурсан, эссиц.  
Бир оғиз сўз сени халос этадир,  
Гар қабул этмасанг бошинг кетадир.

## Мастон

Нега мен бўйруғингга бўйсунайин,  
Нега шарманда бўлгәли үнайин?

## СОЛИХ СУДУР

Олий ҳазрат, надир саволу жавоб?  
Буни шаръян ҳалок этилса савоб.

## МАСТОН

Ҳой, мунофиқ судур, надир бу сўзинг,  
Элни исёнга бошлаган сен ўзинг.  
Хонни зиндиқ лўли деган ким эди,  
Халқдан поралар еган ким эди,  
Энди сен яхши, биз ёмонми?

## АЗИЗБЕК

Судур!

## Мастон

Ишинг эл ҳамда хонга кина кудур.

## Судур

Тұхмат, иғво, у фытна васваса бу,  
Ҳам үлум хавфи бирла талvasa бу.  
Қарадиким бу чоқ ўлиб борадир,  
Бу жаһаннамга ҳамдам ахтарадир,  
Бунинг тезроқ жазосини берингиз.

## Нодирбек охун

Хүш, судур домла, мунча ҳовлиқасиз,  
Авшало сиз оғир ўлимга сазо,  
Сизга кетмас ўлимдан ўзга жазо.

## Солиҳ судур

Фитначи, боғи икки бўлди мана,  
Бу Охун халқни қўзғамоқчи яна.

## АЗИЗБЕК

Тортишарсиз холос икки уламо.  
Бўласиз худди менга дўстнамо.  
Сиз-сиз умр ила давлатимга завол,  
Басар айлай мен аввало буни...

(Жаллодга Мастонни кўрсатиб) Сол! (Жаллод Мастонга  
осилади. Мастон унга сўз бермайди)

## Мастон

Золимлар энди қонимни тўқмакчи бўлдилар,  
Жонимни зулм тигила сўқмакчи бўлдилар.  
Чанг солдиларки иффатим ўлсин бутун ҳароб,  
Номусим эл орасида букмакчи бўлдилар.

Хон бирла динни ҳомийлари бирлашиб бу чоқ,  
Бир бегуноҳни қонига чўкмакчи бўлдилар.

### Азизбек

Йиқитинг ерга, берманг унга мажол.

(Мастонни кийимлари ечилиб йиқитилади. Қўл-оғғи қозиқча боғланади).

Кетир Ислом!

(Ислом хумчалар тепасига бориб хаёл суреб туради)  
Ҳароми бўл!

(Ислом бир хумчани келтиради. Мастонга афсусланиб туради).

Қани сол!

(Хумча ағдарилди. Чиёнлар ирғишади. Мастон бир инграбиб жим. Чиён чақиши аломати йўқ).

### Солих судур

Нега, сеҳр этдими бу фоҳиша қиз.

### Нодирбек охун

Эҳ судур, хайф сизга, жиннимисиз?

Бир оз ўйлаб гапирсангизчи ахир,

Жодугар бўлса бўлмас эрди асир.

Банд этиб сеҳр бирла ёв кўзини,

Ҳар нечик қутқарар эди ўзини.

### Солих судур

Жодугар бўлмаса чақарди чиён.

### Нодирбек охун

Бегуноҳ, поклиги кўринди аён,

Яъни инсон эмас, фаришта бу қиз,

Буни тезлик билан бўшаттирингиз.

Кимсаныким ҳимоя қилса худо,  
Эта олмас бирор мүйини жудо.

Ислом (четга)

Ҳайрият мәхнатим беріб самара,  
Тадбирим қызға рост келишни қара.  
Найзасин узганим чиёнлар экан,  
Беамир кирмагай бирорға тикон.

Азизбек

Нима қилмоқ керак?

Нодирбек охун

Қаманғ қизни,  
Бу тирик бўлса қутқарар сизни,  
Келса Айвона, кўрса қизни ҳаёт  
Элтадир, сизга бор умиди најот.

Солиҳ судур

Үлдилинг, маслаҳат шу, берманг омон,

Азизбек

Йўқ, ҳой элтинг қаманғ буни шу замон.  
(Мастон олиб чиқилади. Та什қарида ғовур. Нозимбек  
киради)

Нозимбек

Хоним, Айвона бирла кўп оломон,  
Ғазаб ила келурлар ўрда томон.

Азизбек

Қўймангиз ўрдага уларни, уринг,  
Ўлдилинг, қандай ўлса қарши туринг.

Мен ўзим ҳам шу он етиб бораман,  
Тинчланинг, мен уларни қайтараман.  
(Азизбек, Нодирбек ва бошқалар чиқиб кетадилар. Бу  
ерда судурнинг мулозими Шодмонбекдан бошқа ҳеч-  
ким қолмайди).

### Солих судур

Мулла Шодмон, қани бу ерга келинг.

### Шодмон

Хўш?

### Солих судур

Кировчи томонга отни елинг.  
Йўлда ҳеч ерда тўхтамай чопасиз,  
Нормамат доддоҳ, ундинадир, топасиз.  
Мендан айтинг ундан дуоу салом,  
Сўнгра сўзланг буқунги ҳолни тамом.  
Айтингиз: Тошканд аҳли қўзғоладир,  
Хонни тез кунда ер уза соладир.  
Келса доддоҳ, шу пайтда иш келур ўнг,  
Фурсат ўлмас бу хилда бундан сўнг.  
Борингиз!

### Шодмон

Хайр, дуода ёд этингиз.

### Солих судур

Балли, тинч, соғ-омон бориб еtingиз.  
(Шодмон чиқиб кетади. Судур кулиб туриб мағруронга)  
Ҳар замон янги ҳийлалар тузаман,  
Тезда Айвона режасин бузаман.  
Макру ҳийла деган мана шу бўлур,  
Хон ўлимдан нечук қилиб қутилур?

Үт ёқинг ҳамда сув сепиб күчириңг,  
Келса додхоқ бу бачча топмас омон,  
Менчи? Мен шубҳасиз бу ўлкада хон.

(Фолибона, мағрурона кулади)

П а р д а

## IV ПАРДА VI КҮРИНИШ

Үрда дарвозаси олдидаги майдон. Улуғ бир воқеа борлиги сезилиб туради. Үрда атрофида қоровуллар юриб турибди. Парда очилғац, Нозимбек ҳөвлиқанча ўрдага киради, кейинидан Оқил понсад киради. Бироздан сұнг иккови қайтиб чиқиб кетади. Одил дарвоза олдидә йигитларни саф қиласы. Узоқдан эшитилиб турған овоз яқинлашмоқда. Саройдан аълам муфтийлар чиқиб йигитларнинг орқасида дарвозага орқа ўгириб туради. Азизбек сарой томида күринади.

Музика

Х о р

Кетинг ваҳшийлар, шунча кулфат етар,  
Ёруғлиқ қачон келса зулмат кетар.  
Гуруҳики сизга маломат этар,  
Дилафкорлардир, дилафкорлар.

Буқун айшингиз навбатидир тамом,  
Тириклиқ бўлур энди сизга ҳаром.  
Ўлим соқисидан етар сизга жом,  
Сазоворларсиз, сазоворлар.

Бўлиб зулмингизда бир ўлка ҳароб,  
Шаҳар ҳам бўлибдир мисоли сароб.

Кабоб ўяди эл бағри қони шароб,  
Жафокорларсиз, жафокорлар.

Адолат уйин этдингиз төр-мор,  
Хама бахтсиз бўлди, сиз баҳтиёр.  
Қурилгай буқун таҳт ўрнида дор,  
Нигунсор ўлур сиз амалдорлар.

(Ойбону бошлиқ Ҳожи она Ҳожар хола, Ризвон,  
Холдор, оломон кирадилар)

### О д и л

Ҳой жамоат ғулув қилиб нетасиз,  
Тарқалинг тез, бекор ўлиб кетасиз.

### О й б о н у

Сен била бизни йўқ сира ишимиз,  
Сени хонинг биз излаган кишимиз.

### Ҳ о ж и   о на

Сен Азизбекни гар тутиб берасан,  
Биздан энг олий илтифот кўрасан.

### Ҳ о ж а р   х о л а

Сени бу юртга мингбоши қиласиз,  
Балки ҳоким қабул қила биламиз,  
Эсмагай хонга энди боди мурод,  
Бошладиқ буқун унга қарши жиҳод.

### О й б о н у

Қўй, кирайлик, хон олдига ўзимиз,  
Унга айтайлик арз ила сўзимиз.

### О д и л

Сиз билан сўзлашишга хон қилур ор,  
Йўқолинг, бўлмангиз ғазабга дучор.

### О й б о н у

Минг, туман жонни ёйласангда фидо,  
Кўшмагай бир кун умр унга худо.

### Ҳ о ж а р

У учун вақтсиз ўлганинг қолади,  
Бошингга ит азобини солади.

### О д и л

Сизни мен ўлдиришга кўрдим увол,  
Марҳамат қилмоқ эрди менга хаёл.  
Билдим инсофга келмагингиз узоқ,  
Қираман сизни.

### О й б о н у

Ҳаддан ошма бузоқ!  
Бу йигитлар aka-ука боламиз,  
Топишиб сизга қарши от соламиз.

### О д и л

Энди авлод эмас булар хон учун,  
Ўлдирурлар ота-онани букун.

### О й б о н у

Йўқ, кўтармайди бизга қарши таёқ,  
Ота-она юзига қўймас оёқ.  
Хой йигитлар, нега хаёл сурасиз,  
Бу томонга ўтинг, нечун турасиз?

Күрасиз халқ сизга күз тутадир,  
Евни йиқмоқ учун күмак кутадир.  
Сизни дийдорингизга ташна будар,  
Қайғы кулфатга түн-күн ошна бұлар.  
Шу эвазми онанинг шафқатига,  
Шулми ҳурмат ота мұхаббатига.  
Опа, сингил, бутун ақа-укалар,  
Сүз күтиб оғзингизга күз туталар.  
Үзимизга кераксиз, ә болалар,  
Бизга орқа тираксиз, ә болалар.  
Майли золимга ён босинг, нетамиз?  
Чора йүқ сиз билан ғазот этамиз.

### I гурұх

Она, қаҳр айламанг.

### II гурұх

Она, шу замон,  
Үтамиз жону дил билан у томон.

### Одил

Күрнамаклар на фитна, бу, нима ҳол?  
Көрнингиз түйди-да, бузилди хаёл.  
Шоҳу хонлар худони соясидир,  
Раҳмати ҳақ уларни доясидир.  
Оси бўлманг, тутинг сўзимга қулоқ,  
Қилмагай тангри сизни кўру чўлоқ.

### I гурұх

Қани дўстлар, юринг.

### II гурұх

Юринг, кетамиз!  
Эл, ота-онаға күмак этамиз!

(Йигитларнинг тўртдан уч ҳиссаси оломонга ўтиб қўшилади, Одил тўсмоқчи бўлади, қайтаролмайди. Йигитлар ота-она, қариндошлар билан кўришмоқдалар)

### О д и л

Қайтингиз, хоннинг амрин айланг адo

### Й и г и т л а р

Айласин қаҳру лаънат унга худо.

### О д и л (қолганларга)

Осилаr, боғилаr нечун турасиз,

Ёки исён учун фикр қурасиз?

Жонингиз борми боғилаrни уринг!

(Одил ёнидагилар ҳужумга ҳозирланади. Бу томонга ўтган йигитлар қаршилайди)

### Й и г и т л а r

Сиз ота-оналар, томоша кўринг,

Биз этармиз буларга баҳсу жавоб,

Топасиз зулм элин қиришла савоб.

### О й б о н у в а б и r қ а n ч а l a r

Бу Азизбекда ҳамманинг ўчи бор.

### Х а л қ

Этдимиз хонни ўлдиришга қарор.

### А з и з б е к

Понсад, Айвона чорасини кўринг,

Бошчи у — сўнгра бошқаларни қиринг.

### О й б о н у

Азаматлар, у том бошидаги ит,

Айлаган халқни роҳатин тит-пит.

У ҳаёт сиз ҳамон қолурсиз асир,  
Уни томдан құлатсангизчи, ахир!  
(Йигитлар илгари юрадилар. Одилнинг йигитлари милтиқ  
отадилар, бир неча одам яраланади. Жұмладан, Ҳожар-  
га үқ тегади. Диёр уни сүяди)

### Д о н и ё р

Оқ, она!

### Х о ж а р

Хайр ўғлим. Ризойи худо (ўлади)

### Д и ё р

Айладинг эл-юртга жонни фидо.  
(Онасининг жасадини бир чеккага қўйиб, кампирларга  
тайинлади)

Она, ҳозир бориб ўчинг оламан,  
Зулм итин бошига жазо соламан.  
(Бориб Одилга үқ узади. Кўксига тегиб Одил йиқилади.  
Йигитлар ҳар тарафга қочадилар. Том бошидан Азизбек  
ғойиб бўлади)

### Н о д и р б е к о х у н

Синглим Ойбону, ғайрат айладингиз,  
Ҳам ёвуздарни ерга жойладингиз.  
Балли, сизга муборак ушбу зафар,  
Айтаман сизга бу севинчли хабар.  
Хон қочиб кетган ўрдадан бу замон,  
Чора кўргайсиз қолмағай у омон.

### О й б о н у

Қочдими? Ҳой Диёр, Сафар югуринг,  
Лаънати хонни тез тутиб кетиринг.  
(Тўрт киши кетадилар. Нодирбек охун илгари келади)

## Нодирбек охун

Айланғиз ўрда ичра ранжа қадам,  
Құтқаринг Мастонойни ранжда у ҳам.

## Хожи она

Ха, юринг, Мастонойни қутқарамиз.

## Нодирбек охун

Вақт ғанимат, қани юринг борамиз.  
(Ойбону, Хожи она, Нодирбек охун, Искандар әв бир  
нече кишилар кетадилар. Солиқ судур дарвоза олдидағи  
суфага чиқиб оломонга таъзим қилади).

## Солиқ судур

Ассалом, эй жамоат, аҳли зафар,  
Тарихингиз безатгай ушбу сафар,  
Құтлуг үлсин бу фатху нусратингиз.

## Оломон

Бизга сиз раҳнамолиқ айладингиз,  
Аввало сизни құтласак бўлур.

## Солиқ судур

О, балли!  
Мени құтлашга вақт эрта ҳали,  
Нима қылдым ишимни миннат этай,  
Қасдим, ўлгунча халққа хизмат этай.  
Халқни тинчитмак эрди менга ҳавас,  
Кетмади сизга ранжу мәннат абас.  
Ҳам Азизбек йўқолди кетди, ахир,  
Шумлиги ўз бошига етди ахир.  
Билди ён босганимни халққа томон,

Қараши менга қарши бўлди ёмон.  
Менга ҳар лаҳза бермак ўлди жазо,  
Фитначи, осий деб берарди созо.  
Шунда ҳам айладим курашда давом,  
Мана эл нафъича ҳал ўлди маром,  
Шошдим, айниқса, Мастоной ишида,  
Уни озод этишнинг ташвишида.  
Мастонойга етишмаб эркан ажал,  
Айладим қатлини қамоққа бадал,  
Мастоной бўлса раҳмат айтар эди.

(Шу вақт Мастонни олиб чиқадилар. Сўнгги сўзни эшитган Мастон судурнинг гарданига бир мушт уради. Судурнинг салласи учиб кетади, муккасича йиқилади).

### Мастон

Бори ёлғон, бу ҳарна сўзки деди,  
Халққа бу энг ашадди душман экан.  
Бошқа бир мақсад ила юрган экан,  
У кишиким ҳалоким истар эди,  
Шу Судур эрди хонни қистар эди,  
Бу Охун домла кирди жонга ора,  
Қолди афсусланиб бу юзи қора.

### Оломон

Лаънат иғвочи ҳийлагарга, ўлим!  
Ўлим алдоқчи, тулкиларга ўлим!

### Солиҳ судур

(шошилиб)  
Эй... эй... йўқ... мен... кўриб турипти худо,  
Мастоной тўғриликдан ўлма жудо.  
Мен бир ножӯя сўзни сўзламадим,  
Сизга ҳеч бир зарарни кўзламадим.

## Ислом

Бўлди гумроҳ Судур, сир ўлди аён,  
Мастоной қилди шумлиғингни баён.  
Мен чиёнхонада қараб турман,  
Кун ора ҳар куни сени кўраман.  
Хонни қон дарёсига отғувчи сен,  
Унга фатво, йўруқни сотғувчи сен.  
Дўстларим айлаган қўлимда ҳалок,  
Сени фатвонг эмасми? Айт нолок!

## Солиҳ судур

Сен... менинг... хўш... ахир... на учун?

## Нодирбек охун

Бас Судур гўлдирашга йўқдир ўрин,  
Амалим бор деб элни алдадингиз.  
Бу амални ҳамишалик дедингиз,  
Энди иш ўтди вадираб нетасиз,  
Сизда тил бормиким жавоб этасиз.

## Солиҳ судур

Лонусаллим.

## Нодирбек охун

Тонишилиқ осон эмас,  
Бу иков ҳарна айтди ёлғон эмас.  
Мана мен сен билан юриб тун-кун,  
Биламан: нек ила бадингни бутун.  
(халқقا)

Буни бир зарра яхшилиқ иши йўқ,  
Бундан озурда бўлмаган киши йўқ.  
(судурга)

Бу мунофиқлик ўлди сенга бало,

Бирни кўрдинг қора, бирорни ола.  
Хон йиқилса, бўлардинг ўрнига хон,  
Матлабинг эрди доим иззату шон.  
Шу тилякда юрар эдинг-да фақат,  
Ҳарнаким ният этдинг ўлди ғалат.

### Солих судур

Тавба қилдим.

### Нодирбек охун

Ҳа энди тавбами ёд?  
То бу дам коринг ўлди фитна фасод.

### Ойбону

(оломонга) Буни биз билмадик, мунофиқ экан,  
Эл кўзига эмиш заҳарли тикон.

### Хожи она

Билмадик-да, тил остида тилини,  
Ким кўрибдир бунинг бузук дилини.

### · Ойбону

Мана ҳозир тилу дилин биламиз.

(Судурнинг ёқасидан ушлаб ўртага ташлайди, тепкилаб уради) Олингиз, ҳурматин бажо қиласиз. (Оломон судурни судраб, уриб ўлдириб, бир чеккага ташлаб келадилар. Шу вақт Дониёр ёнида икки йигит, бир қизни чодирга ўраб олиб келади. Тўполнонни кўриб тўхтайди. Қизнинг онаси орқадан додлаб келади).

### Она

Мусулмонлар кўмак, кўмак этингиз,  
Мана бу Дониёр ўғрини тутингиз.

Ойбону

Үүхта ит!

(Оломон Дониёрни ўраб олади. Она етиб келади).

Она

Дод қизим!

Ойбону

Хола, гапириңг,

Нима жабр ўтди?

Она

Үғриларни күринг?

Хожи она

Нима қилди?

Она

Кизимни элтди... күмак!

Ойбону

Ха, ҳа! Бир ўғри умри битди демак,

Айлагаймиз бу чоқ қизингни холос.

(Дониёрга) Үйламайсанми бор ҳар ишга қасос?

Бүшатиб бер онам қизини...!

(чодирни очиб) — Мана! (қизни топширади)

Ойбону (онаға)

Олингиз.

Она

Бунга қаттиқ жазо талаб этаман,

Күзим ила кўриб кейин кетаман.

Ойбону

Ечайин ҳозироқ бу масалани,

Тугатай бу билан муомалани.

(Дониёрга)

Қани юр, халқа қыл саволу жавоб,  
(Дониёрни турткылаб дарвоза олдидағи супага чиқаради.  
Халққа)

Хой жамоат будир душманингиз  
Тикилинг зәхнингиз солиб танингиз!  
Қанча қизларнинг иффатин талаған  
Кўп оналар гўрига ғишт қалаган.  
Кўп йигитларга қўйди ҳасрату доғ,  
Оталардан учурди наслу чароғ.  
Искович Дониёр ушбу.

Оломон

Лаънат унга.

Ойбону

Айтингиз кимда даъво бўлса бунга.

Оломон

Үлим!

Оломон

Ўч!

Оломон

Интиқом

Ойбону

Балли, биламиз.

Оломон

Ҳаммамиз ҳам қасос талаб қиласмиз.

Ойбону

Ўзим аввал қизим ўчин оламан,  
(Дониёрни супадан тортиб йиқитади, тепкилаб уради)  
Олингиз!  
(Оломон ёпирилиб, Дониёрни савалай бошлайдилар)

## Оломон

Мен нега қараб қоламан.  
(Дониёрни судраб, ўлдирадилар. Азизбек қўли орқасига  
боғланиб келтирилади)

## АЗИЗБЕК

Салом, эй юрту элнинг ҳомийлари!

## Овозлар

Йўқотилсан сарой ҳаромилари!

## АЗИЗБЕК

Хўш, жамоат на эрди менда гуноҳ?

## Ислом

Эътиқод айладинг чиённи худо,  
Кўп мусулмонни қилдинг унга фидо.

## МАСТОН

Хотин-қизнинг тўқундинг иффатига,  
Оғулар сочдинг элнинг сиҳатига.

## Ойбону

Нима расм эрди у ҳўқиз териси,  
Минг киши урдирилган энг бириси.

## Хожи она

Ходага тортиб ўлдириш на эди,  
Раҳмсизликка бир намуна эди.

## Искандар

Қўйди ҳалқ устига девор ишини,  
Кесак ўрнида босди кўп кишини.

## Бир киши

Бунинг айби санаш билан тугамас,  
Халқа бир зарра нафи теккан эмас.

## Азизбек

Хүш, қачон биттангизга тегди қўлим?

## Овозлар

Ўлим, алдоқчи ҳийлагарга, ўлим!

## Ойбону

Бунга қандай жазо талаб этасиз?

## Овоз

Ўтга ташлаш керак.

## Ойбону

Ўтинга эссиэз.

## Искандар

Буни ҳам девор остига босамиз,

## Овоз

Дор тикиб, бош тубан қилиб осамиз.

## Овоз

Йўқ, тириклай кўмиш бу итга сазо.

## Ислом

Бостирилсин чиёнга.

## Овозлар

Яхши жазо.

## Ойбону

Құллаймиз бунинг жазо йүргін,  
Сочди бу зулму ваҳшилик уруғин,  
Тиғ ила ўлдирилса тез ўлади,  
Қонидан тоза ер ҳаром бўлади.

## Овозлар

Нима дейсиз қилурмусиз озод  
»  
Қаршимиз!  
»  
Ўлдирилсин бу жаллод.

## Бирорлар

Сиз аёлсиз-да, күнглингиз жуда бўш,  
Ёвга шафқат керак эмас сира.

## Ойбону

Хўш?  
Нега лозим бу хил маломат этиш,  
Керак эрди жавобингизни кутиш.  
Қўймағайман тирик бу золимни,  
Тугатай бу билан саволимни.  
Сўнгра бунга жазо йўлин кўрамиз,  
Лекин озод этилмас, ўлдирамиз.

## Овоз

Озини кўрсак ортадир ташвиш.

## Овозлар

Йўқотинг тез.

## Овозлар

Жуда кечикди бу иш.

## Ойбону

Калтак ила танин қилиб шал-шал,  
Сүнг келур ўлдириш, ўч олғали гал.

## Хожи она

Қизим Ойбону, шошма бу ишга,  
Үз бошинг қўйма ранжу ташвишга.  
Буни ўлдирмоғинг жуда осон,  
Аммо, зеҳни койиб Худоёрхон,  
Эҳтимол Тошканд узра от соладир.  
Бева, бечора қийналиб қоладир.

## Ойбону

Худоёр ташвишин қилиб бу замон  
Берилурми бу муттаҳамга омон.  
Ташласа биз томон ғазаб ила кўз  
Кўрсатай унга кундузи юлдуз.  
Бизни бир карра синади Худоёр,  
Биз томон айламас юриш тақрор.

## Хожи она

Хоҳ ёмон, хоҳи яхшидир Худоёр,  
Нима ҳам бўлса, бизга хон оти бор.  
Кўпчилик у томонда сен ёлғиз,  
На қиласардинг яроғу аслаҳасиз.  
Хон хусумат билан чекар лашкар,  
Хўш, ниманг бор уни қилишга басар.  
Яна Тошкандга эсгай оғули ел,  
Яна отлар оёғида қолур эл.  
Шу учун сенга маслаҳат бераман,  
Хонга билдиримоғинг зарур кўраман.

## Ойбону

Құрқсанғиз сиз бу ишга бош қүшманг,  
Үлдирилгай бу, ўртага тушманг.

(Азизбекка) Хоним афв айлагил гина ери йўқ,  
Сени жойлаш учун ҳўқиз тери йўқ.

(Азизбекни йиқитиб уради ва тепкилайди)

Эй жамоат, хон обрўсин сақланг,  
Парвариш ҳаққи бор, тузин оқланг.

(Оломон Азизбекни уриб турган чоқда, бир йигит терга  
тушиб киради)

## Йигит

Сабр этинг, тўхтангиз бироз...

## Ойбону

На хабар? (Ҳамма аҳамият билан қарайди)

## Йигит

Аввало сизга хон салом дедилар,  
Етди Хўқандга барча ҳангома  
Худоёрхон юбордилар нома.

(Ойбонуга бир хат беради. Ойбону товушсиз ўқимоқда)

## Ҳожи она

Овозингни чиқар.

## Овозлар

Нечик хат экан?

## Ойбону

Бизни қутлаш билан ривоят экан.

## Бир нечалар

Эшитайлик, ўқинг,

На дерлар хон?

## Ойбону

Эшитинг, Тошканд аҳлига фармон,  
Бони идораий мамолики Фаргона ва Туркистон ҳоқон ибн Ҳоқон  
Сайд Мұхаммад Ҳудоёр Баҳодирхон сүзимиз. Аммо байды бизнинг  
парвардаи неъмат ва шукр гузори эҳсонимиз Азизбекни инъом ва  
эъзозга лойиқ топиб, мамлакатимизнинг хуррам ва ободларидан  
Тошканд фирмавес монандга парвоначи амали билан маъмур этдик.  
Нонкүр Азизбек оз фурсатда губорот кибру ғурур ва инод миясига  
урлаб ўз валий неъмати зиллуллоҳга қарши инқиёддан бош тортиди.  
Кўчай иртидодга кириб, исен ва бағоват оловини ёқди. Бир қанча  
афъол замима, бидъат хилоф шария ундан нашъат этди. Биноан  
алайҳ барвафқи ояти карима ва аҳодиси набадия мазкур жони, тоғи  
Азизбекни зиндиқ деб фатво берилади. Унинг қатли мубоҳ, ўлдиргувчилар  
ғозидирлар. Осий ва муртад Азизбекнинг ҳорижи таҳаммул  
ва хилофи шария хиёнатига қарши ҳамиятли диённатпарвар Тошканд  
аҳолисининг саъиғи ғайратлари жиҳоди мүқаддас деб ҳисобланади.  
Балтақдир у куфрони неъмат қилювни Азизбек, сиз ғайратли Тошканд  
ҳалқининг қабзаси ғолибонангизда музма — хил бўлса, жадъ  
қилиб, яъни қулоқ бурнини кесиб, саззойи қилиб, доруссалтанага  
асирона роҳий қилиниши аҳам ва алрамдир.

Воллоҳу муваффиқува илайҳи яржиъул умур.  
1846 мелоди. Сумбула. Хўқанд.

## Ҳожи она

Жуда ҳам вақтида етишди чопар,  
Сал кечикса етарди хавфу хатар.

## Ойбону

Билмагай хон бунинг ёвуз ишини,  
Шу учун ёқламоқчи бу кишини.  
Буни лекин шу ерда ўлдираман  
Сўнгра бошга нима келур, кўраман.

## Ҳожи она

Қизим Ойбону, сен хато қиласан,  
Хонга қарши туришни сал биласан.

Юрту элга бўлиб келиб малҳам,  
Ёрдамингни берармисан барҳам.  
Худоёр қаҳр ила қўшин тортар,  
Яна ҳалқ узра дарду ғам ортар.  
Сендан эл ранжишиб чиқиб кетади,  
Ўйла-чи, сенга ким кўмак этади.  
Сени ҳон қаҳри бирла тутдиради,  
Уруғ-аймоқларинг била қиради.

### Ойбону

Мен бунинг зулмини унутмайман,  
Ўч олурман бўлакни кутмайман.  
Бизга ҳийла қилиб Худоёр ҳам,  
Бу жафогарга кўрсатур ёрдам.

### Чопар

Опа, афсусланишга йўқ ҳожат,  
Ҳонимиз ҳам ғазабдалар ғоят.  
Тинчланинг, бунга ҳеч берилмас амон,  
Ўлдирилгай, ҳеч этмай унга гумон.

### Ойбону

Майли, қарши туришга йўқ чора,  
Қутулиб кетди бу юзи қора.  
Ҳонимизни қилиб бу чоқ ҳурмат,  
Берамиз тўрли ранг ила зийнат.  
Қўл-оёққа оғир кишан урингиз,  
Юзларига қора куя сурингиз,  
Бурун ила қулоқларин кесингиз,  
Бўйнига икки хум чиён осингиз,  
Тезда тайёр қилинг, олиб борингиз.  
(Азизбекни олиб кетадилар. Ойбону чопарга қараб)  
Мана, дўстим, чопар нима дедингиз,

## Ч о п а р

Жуда түғри, жуда ақлли бу иш.  
Чунки олдинги фикр эди янглиш.  
Бу итоат учун бўлур хон шод,  
Ҳам фалокатдан эл бўлур озод.

(Азизбек безатилиб келтирилади. Супа лабида турғизилади. Музика)

## Х о р

Шунча зийнатлар ила ҳазрати хон қайға сафар,  
Кўрди лойиқ сенга бу нақши устоди зафар.

Қани ул қаҳру ғазаб, кибру ҳаво, хайлу ҳашам,  
Қилмаган сенга бу зулм оқибатин кимса хабар.

Зулмнинг кундаларин майдалаган ҳалқ мудом,  
Мазлум оҳи каби тез ўлмади тифу табар.

Будур олам иши бор яхши-ёмон ишга қасос,  
Ким ситамгар фуқаро илгидадир зеру забар.

## П а р д а с ў н г

1942 йил 18 августдаги нусхадан кўчирилди. 9 март, 1955 йил.